






19
20
21
22
23
24
25
26
27
28
29
30
31
32
33
34
35
36
37
38
39
40
41
42
43



雜記

古
808
江









明洪武十五年設內閣大學士上命皆于翰林院上
任十八年又命殿閣大學士左右春坊大學士俱為
翰林院官故院中設閣老公座于上而掌院學士反
居其旁諸學士稱閣老曰中堂以此按湘山野錄錢
希白見王冀公欽若戲曰中堂遂有如此宰相乎又
聞見錄富鄭公與康節食筍公曰未如中堂骨董之
美云云元王惲秋澗有中堂事記記元初中書省事
皆前此矣 王阮亭池北偶談

翰林院堂不啟中門云啟則掌院不利癸巳開四庫
全書館質郡王臨視司事者啟之俄而掌院劉文正
公覺羅奉公相繼逝又門前沙隄中有土凝結成丸
儻或誤碎必損翰林癸未雨水衝激露其一為兒童
擲裂吳雲巖前葦葦歿又原心亭之西南隅翰林有
父母者不可設坐坐則有刑冠陸耳山時為學士毅
然不信竟丁外艱至左角門久閉不啟啟則司事者
有譴謫無人敢試不知果驗否也其餘部院亦各有

禁忌如禮部甬道屏門舊不加搭渡

搭渡以巨木二方夾於門限坡


陀如橋狀使堂官乘車者可從中入以免於旁繞

錢繹石前輩不聽旋有

天壇燈杆之事者亦往往有應此必有理存焉但真

詳其理安在耳

觀奕道人梁陽續錄



國朝六曹章奏悉沿明制惟緊急事或涉瑣細者則


削木牌而綠其首以滿洲字書節畧于上不時入奏

取旨不下內閣票擬謂之綠頭牌子蓋古方策遺

意也

王阮亭池北偶談





世祖時拜相者自同安洪文襄承疇外直隸四人涿

州馮文敏銓靜海高文端爾儼大名成公克鞏高陽

李文勤爵江南四人溧陽陳公名夏武進呂公官吳

江金文通之俊高郵王文通永吉山東四人德州謝

義陞掖縣張文安端安丘劉公正宗聊城傅公以漸

山西二人曲沃李公建泰衛文清周祚河南一人商

丘宋文康權陝西一人寶雞党公崇雅浙江一人海

寧陳公之遴四川一人井研胡公世安康熙已來拜

相者直隸四人柏鄉魏公裔介寶坻杜文端立德宛

平王公熙真定梁公清標江南五人長洲宋文恪德

宜崑山徐公元文丹徒張公玉書合肥李公天馥桐

城張公英山東三人益都孫文定廷銓臨朐馮文毅

溥武定李文襄之芳山西一人沁州吳公璣湖廣三

人孝感熊公賜履漢陽吳文僖正治大冶余公國柱

浙江一人錢塘黃文僖機熊公罷相後再起為禮部

尚書已卯復相王士禎池北偶談

八旗鄉會試開科始于順治辛卯壬辰至丁酉停止

康熙己酉庚戌復舉行至丙辰停止丁卯夏五月以

亢旱肆赦再復開科之例按開科之例前後稍有

不同順治壬辰乙未滿洲蒙古用滿文另為一榜壬辰

狀元麻勒吉兩江總督乙未狀元圖爾宸工部侍郎庚戌癸丑滿洲蒙古槩用

漢文即附漢人通為一榜辛未甲戌復開科例仍之


王士禎池北偶談

劉後村云謚古也複謚非古也封演云謚二字者一字為文一字為質世言歐陽永叔卒將謚文常秩時為太常博士議當謚文忠或謂必留此以待介甫已而果然。唐宋以來謚文者獨韓退之朱元晦為不愧他如白居易李翱陸希聲權德輿楊億王安石姚燧歐陽玄輩皆謚文亦未盡允也獨孤及云二字不必為褒一字不必為貶果在字數則是堯舜禹湯文武不如威烈慎靚王也齊桓晉文不如趙武靈秦莊


襄楚考烈也唐人論如此則謂文必優于文忠亦未
必然初元晦議謚文忠劉後村時年十七代其父尚
左作駁議因止謚文其畧曰正主庇民之學鬱而未
伸著書立言之功大暢於後合文與忠謚公似矣而
非也有功于斯文而謂之文簡矣而寔也請以韓子
之謚、公右謚議見後村集第二十五卷 王士禛池
北偶談

春秋謚有三字者衛之貞惠文子是也有生賜者衛
侯之於北宮貞子析朱成子是也有出奔而仍得謚
者臧武仲中行文子是也有作亂被誅而仍得謚者
崔武子樂懷子是也因學紀聞云衛侯賜北宮喜謚曰成子是人
臣生而謚也魏明帝時有司奏帝制王士禛池北
作興治為魏烈祖是人君生而謚也
偶談


本朝最重易名之典官至尚書大學士乃得 賜謚
近惟翰林院掌院學士喇沙里公以講筵舊勞又勤
王事以死 特贈禮部尚書謚文敏掌院學士葉公
方藹以講筵舊勞 特加禮部尚書尋遷刑部侍郎
仍帶掌院學士加禮書舊銜卒亦謚文敏掌詹學士
沈公荃亦以講筵舊勞加禮部侍郎仍掌府事卒謚
文恪皆異數非常例也 王阮亭池北偶談



古易名之典太常博士議之吏部考功奏行之有未
允者所司駁之其重如此明掌于禮部 本朝則內
閣典籍司之每一人擬入謚或六謚以上內閣閣臣
擇其三四進呈 御覽 欽定其一 王阮亭池北偶
談




本朝謚法閣臣不由翰林皆得謚文如洪公承疇謚
 文襄宋公權謚文康王公永吉金公之後皆謚文通
 孫公廷銓謚文定衛公周祚謚文清李公之芳謚文
 襄皆非翰林也王阮亭池北偶談
 順治朝大學士謝陞謚清義



漢舉賢良自董仲舒以來皆對策三道文帝二年對策者百人晁錯為高第武帝元光五年對策者六百人公孫弘為第一當時未有黜落法對策者皆被選但有高下爾至唐始對策一道而有中否然取人比今多建中間姜公輔等二十五人太和間裴休等二十三人其下如正元中韋執誼崔元翰裴洎等皆十八人元和中牛僧孺等長慶中龐嚴等至少游皆十四人蓋自後周加試策論三道于禮部每道以三千

字為率本朝加試六論或試于祕閣掄選既精士之
濫進者無

宋葉夢得石林燕語




長編曰嘉祐二年賜進士章衡等及第出身共三百
八十八人是歲進士與殿試者始皆不落李復圭紀
聞云是春以進士羣辱歐陽修之故殿試不落一人
案實錄試進士李實等四百人而得第者三百八十
八人謂之不落一人固舉大約言之耳特不知禮部
奏名實為幾人故其留黜之數不容參攷案皇祐元
年廷試取四百九十八人五年取五百二十人至嘉
祐四年所取又止一百六十五人六年一百八十三

人閱兩舉才共取三百四十八人耳雖緣其時初制
間年一開科舉故約此意指似是禮部奏名先減其
額故廷試雖不落人其得第者少是亦朝三暮四之
比也又緣其時立制減去諸州解額之半禮部以半
額紐數而取故奏名已少及至廷試不用汰黜也程
大昌演繁露

吳世孫發嘗舉百篇科故皮日休贈以詩云百篇官
體喧金屋一日官銜下玉除陸龜蒙亦有云直應天
授與詩情百咏唯消一日成其見推於當時如此此
科不知創於何代國初亦無定制惟求應者即命試
太平興國五年有趙昌國願試此科帝御殿出四句
詩為題詩云松風雪月天花竹鶴雲烟詩酒春池雨
山僧道柳泉每題五篇篇四韻至晚僅成數十首方
欲激勸後學特賜及第仍詔今後應此科者約此題

為式 宋龔明之中吳紀聞



唐閔際美鋪試蜡日祈天宗賦誤書衛賜作衛駟榜
出登第往參座主曰諸君試日天寒急景寫札或不
如法恐文書到西京須呈宰相請先輩各買好紙重
來請印如法寫淨送納抽其退本舊時直省小試解
卷送禮部例須別謄淨本亦是唐人遺意至鄉試朱
墨原卷解部即不得爾

王阮亭池北偶談


試錄自宋崇寧中霍端友榜始當時本今不曾見嘗
見元時廷試錄家狀初授官及所對策而皆在焉


葉盛水東日記

明

國朝鄉試小錄會試錄進士登科錄具有成式洪武
永樂中考官有儒士主考官同考者序文亦不拘
篇數其序文禁稱公考官止用實授教官序或書總
兵武弁鎮守中官三代或書曾祖母等皆出近年至
兩京序文稱臣餘皆具姓名皆曰襲之舊今年廣西
以却總兵鎮守而并衆人不書姓名則無謂甚矣明

葉盛水東日記





科場填榜完時必捲而橫置於案總裁主考且朝服
九拜然後捧出堂吏謂之拜榜此誤也以公事論一
榜皆舉子試官何以拜舉子以私誼論一榜皆門生
座主何以拜門生哉或證以周禮拜受民數之文殊
為附會蓋放榜之日當即以題名錄進

呈錄不能先寫必拆卷唱一名榜填一名然後付以
填榜之紙條寫錄一名今紙條猶謂之錄條以此故
也必拜而送之猶拜摺之禮也榜不放錄不出錄不

成榜不放故錄與榜必並陳於案始拜榜大錄小燈
光晃耀之下人見榜而不見錄故誤認為拜榜也厥
後或繕錄未究天已將曉或試官急於復

命先拜而行遂有拜時不陳錄於案者久而視為固
然堂吏或曰可無錄而拜遂竟不陳錄又因錄既不
陳可暫緩寫而進遂至寫榜後無錄可陳而拜
遂潛移於榜矣嘗以問先師阿文勤公公述李文貞
公之言如此文貞即公己丑座主也

觀奕道人灤陽續錄


皇祐三年詔邇英閣講讀官當講讀者立侍敷對餘
皆賜坐侍於閣中天聖以前皆坐侍自皇祐以前皆
立侍至是帝屢面諭以經文義旨須詳悉詢說卿等
無乃煩倦否遂有是詔以為永制熙寧元年侍講呂
公著王安石言故事侍講者皆賜坐自乾興後講者
始立而侍者皆坐聽臣等竊謂侍者可使立而講者
當賜坐詔付禮官後韓維刁約胡宗愈等言賜坐蓋
出優禮祖宗或賜講臣坐者以其敷暢經藝也太宗

開寶中李穆薦王昭素召對便殿賜坐講易乾卦太宗端拱中幸國子監令有司張帝幕設別座令李覺講易之泰卦令列侍之臣得坐執經而講者顧使獨立於前臣以為宜如天禧舊制判太常寺龔鼎臣等言執經人主之前本欲便於指陳則立講為宜若謂傳道近師則今講解皆先儒章句非有為師之實安可專席安坐以自取重也初孫奭坐講仁宗尚幼政案以聽之奭因遂立講論者不以為是上問曾公亮

公亮但稱臣侍仁宗書筵亦立後安石因講賜留上面諭卿當講日可坐安石不敢坐遂已

露

程大昌演繁



今講日講官以所撰講義進講即講筵內侍收掌紹
興十三年正月王普奏其父在建炎元年為講官講
孝弟仁之本合上意退批早來講義即今進入普仍
言故事次日方進今此即日促進非常儀也

程大昌



演繁露

熙寧二年召中丞呂公著赴經筵公著以臺臣侍講
不兼經筵職遇講讀即赴如此即侍講之與經筵異
耶是年十月翰林學士范鎮兼侍讀鎮前為侍讀學
士及還翰林即落侍讀至是雖復侍讀而不兼學士
長編據日記所載如此詳此當是以翰林侍讀學士
或天章閣侍讀學士等為經筵而以單帶侍讀講為
講讀所耶


程大昌演繁露

賈文元為崇政殿說書久之仁宗欲以為侍講而難
于驟用乃特置天章閣侍講天章有侍講自此始然
後亦未嘗復除人

宋葉夢得石林燕語



漢制九卿今侍從也然九卿侍從為九史無明制獨
可即當時話言以求其何者為卿尚可追論顧又雜
出甚多其數不止於九也汲黯為主爵都尉傳言列
於九卿張湯為廷尉傳言列九卿收接天下名士大
夫鄭當時至九卿為右內史杜鄴曰陳咸為少府在
九卿高弟王溫舒尹齊更迭為中尉義縱為右內史
王言三人以急刻為九卿劉更生元帝初為宗正尋
免官復為中郎韋元成劉更生前為九卿馮野王為



大鴻臚有司奏王舅不宜備九卿張敞為京兆尹亡
命天子名敞敞上書言臣前得備列卿待罪京兆張
禹謂子宏官至太常列於九卿尹翁歸守右扶風滿
年為直傳言其在公卿之間清潔自守蕭望之為光
祿勳繫獄石顯使史高言之元帝下九卿大夫獄汲
黯過大行李息曰御史大夫馮揚拒諫飾非公為九卿
不早言之何上官桀反大司農楊敞不敢發其事傳
謂以九卿不輒言故不得候顏異以大農議皮幣微

反脣張湯奏異當九卿見今不入言而腹非毋將隆
為執金吾哀帝制詔毋將隆位九卿無以正朝廷之
不逮按此即主爵都尉廷尉右內史少府中尉宗正
大鴻臚京兆尹太常右扶風光祿勳御史大夫大司
農執金吾凡十四職者實皆正為列卿矣而時人所
舉獨以九卿為言故難曉也百官公卿表第公列卿
位行凡十四等自丞相以至列將軍自不與九卿交
雜矣至從奉常數之以至左右內史凡十品一品中

又有數更其名者摠而數之又為二十六名則其十
品二十六名者又不與九數相應愈益難解又如奉
常之與太常廷尉之與大理本猶職也而名稱前後
不一則猶可謂其兩出至宗正與治粟內史衛木衛之
與右扶風同列一等則職位殊不相入只如左馮翊
可與京兆內史參附而又不與右扶風相屬如此之
類殆不可以意推定之也蓋嘗反而求之則班固嘗
明列九卿矣百官公卿表曰少師少傅少保是為孤


卿與六卿為九是固之立九卿總目也而十品二十
六名者族而會之悉卿列於卿則數詎止九哉然班
固雖本漢語而達之周制雜數三孤六卿以為九卿
而周制實不然也周官固嘗列孤於卿矣如曰孤卿
特揖孤卿位於棘是嘗比而同之矣然此其謂為孤
卿者蓋朝廷位於棘是著所列取其降於三公一等
而下與六卿同位故連文以為之稱本無三公六卿
繫數以為九卿之文也若曰三孤已行卿事而得繫

繁言之則三公未嘗不為冢宰如周公為師而位冢
宰正百官是公亦為卿何以獨孤於卿而并為九名
九哉則固語亦未愜又予嘗質之遷史而得其歸也
遷之傳張湯而及趙禹曰禹為少府比九卿夫比之
為言猶視也五獄視三公非三公矣而品秩得與之
同故曰比曰眎明非本品特比附之耳夫少府既非
九卿而得比九卿則九卿本九後不啻九何足疑也
固書率多因遷而務在簡文故其傳禹直曰禹為少

府九卿刊一比字而漢世非卿比卿之制遂不可推
尋至其列表以志公卿亦自雜數無別也乃知夏五
郭公聖人不肯加損其有深意也哉今世二府本取
府第東西對立以為稱謂後雖宰相執政繁多至七
八人亦止以二府目之則漢之列卿數溢於九而槩
以九卿命之亦語例交熟自無他說也

程大昌演繁

露



咸平四年取陝西稅戶為義軍家出一丁號曰保毅

軍四年吳濬點得六萬八千七百餘人官給糧戍邊

則此義軍行諸陝西未及它路也其年五月集近諸

州丁壯選隸軍籍則已用陝西法行之它路矣其年

名河北鄉兵為忠烈宣勇未見名始何時并代司兵名為廣

銳祥符六年以雄霸所調為忠順指揮名始慶曆元

年聚於近邊募土人為之名護塞二年二月簡河北

疆壯勁勇者刺手背為義勇指揮嘉祐四年大名府路安撫李昭亮言

河北州軍見闕義勇乞令二年內補足其疆壯緣不
係教閱欲候勇義足日亦令補復即是疆壯別是一
法却於疆壯中
選補義勇也 三月簡河東弓手不刺面為義勇陝

西弓手為保捷治平元年宰臣韓琦乞於陝西路選
鄉兵富戶三丁揀取一丁仍刺手背以義勇為名差
徐億等往凡刺十三萬八千四百餘人而河北義勇
之制始達於陝西司馬光陳請今但怪陝西無義勇
不知三丁已有一丁充保捷即慶歷二年所勅是也是其實也
然會要記保捷始慶歷二年而天聖五年已有臣僚


言秦州十年不曾揀選保捷嘗令秦州分析則前乎
慶歷已有保捷矣熙寧八年夔州路提刑言乞差黔
州義勇往瀘州界防杆不聞黔州自置義勇今之所
指黔州義勇當是自陝西抽戍耶其年兵部言隴成
州義勇應援熙河不足乞差保丁充數則義勇外又
差保丁

程大昌演繁露

元豐六年提舉河北保甲司言乞義子孫舍居墾隨
母子孫接脚夫等見為保甲者候分居日比有分親
屬給半詔著為令按今令文外人曾與本家同居久
者許給分數恐立法因此然深詳此法是特欲優立
科條使外人肯以宅姓代充保甲焉耳


程大昌演繁

露



左都御史自劉觀後不輕受觀以前亦可數也近年
有陳鎰王翱楊善王文馬昂蕭維禎寇深軒輓鎰翱
善以恩文以保薦昂以軍功維禎深以超進輓起自
刑部尚書致仕改本官


明葉盛水東日記



總督軍務自總兵官以下悉聽節制蓋始於王靖遠
麓川之役已已多事以來繼之者衆矣繼靖遠者侯
尚書璉也于少保在京師王璫山馬滄州之於兩廣
石璞於關外於湖貴王來嘗於湖貴昏是命云總督
二字蓋自宣德中巡撫總督稅糧始也


明葉盛水東

日記



官銜二字習俗不識其義家語禮運篇云官有銜職
有序注銜治也執轡篇云古之銜天下者以六官總
治焉故曰銜四馬者執六轡銜天下者正六官、銜
之義本此封氏聞見記云銓曾聞奏之時先書舊官
品于前次書擬官于後使新舊兩銜不斷如人銜物
又如馬之有銜以執其首人謂銜尾相屬即其義也
此臆說殊無所據

王士禛池北偶談




今人書簡後具禮或誤作禮如初或具禮如初或禮
如左右前等雖名公卿亦有之蓋誤傳於啟劄等雜
書不知其云如初蓋如初云頽首後亦頽首初云再
拜後亦再拜也學之不講亦至於此哉


明葉盛水東

日記

順治己亥在京師於慈仁寺市見鬻故書者賣一版
刺大書容氏拜三字寶應朱國禎注克以三錢得之賦
容氏行予笑曰使當天啟時此一紙過詔旨遠矣
王

士禎記
扛礪設





宣武門子城內如培塿者五砌之以磚土人云五火
神墓明成祖北征時用火仁火義火禮火智火信製
礮破元兵於亂柴溝後以其術太精恐或為變殺而
葬於是立五竿於麗譙側歲時祭之使鬼有所歸不
為厲焉後成祖轉生為莊烈帝五人轉生李自成張
獻忠諸賊乃復讐也此齊東之語非惟正史無此文
即明一代稗官小說克棟汗牛亦從未言及斯人斯
事也戊子秋余見漢軍步校董某言聞之京營舊卒


云此水平也京城地勢惟宣武門最低衢巷之水遇
雨皆滙子城守卒每夜雨太驟即起視此培塿水將
及頂則呼開門以洩之沒頂則門扉為水所壅不能
啟矣今日久漸忘故或有時阻礙也其城上五竿則
與白塔信礮相表裡設聞信礮則晝懸旗夜懸燈耳
與五火神何與哉此言似乎近理當有所受之

觀奕

道人梁陽續錄

東坡言唐初即用隋樂武德九年始詔祖孝孫竇璡
等定樂初隋用黃鍾一宮惟擊七鍾五懸而不擊謂
之啞鍾張文收乃依古斷竹數十二律與孝孫等次
調五鍾叩之而應由是十二鍾皆用至肅宗時山東
人魏延陵得律一因李輔國奏云云太常樂調皆下
不合黃鍾請悉別製諸鍾帝以為然乃悉取諸樂器
磨剡之二十五日而成然以漢律考之黃鍾乃太簇
也當時議者以為非是唐自肅代以後改日急民日

困俗日媮以至於亡以理推之其所謂下者乃鍾聲也悲夫
宋朱弁曲洧舊聞



燕饗番部

合樂火不思

謹按元史禮樂志火

不思如琵琶直頸無品有小槽圓腹如半瓶榼以皮為面四絃皮絃同一孤柱

本朝定制燕饗通用番部合樂火不思桐柄梨槽半冒虺皮四絃通長二尺七寸三分柄長一尺二寸一分三釐六毫上濶九分一釐厚一寸四分五釐六毫下濶一寸五分三釐六毫厚如之槽長四寸五分五釐一毫厚二寸四釐八毫曲首鑿空內絃

以四軸縮之俱在左右長二寸六分九釐六毫槽
面設柱絃自山口至柱一尺七寸七分四釐曲首
旁繪夔龍柄本繫黃絨紉垂綫





今之朝報或曰邸報亦有所本見王明清揮麈錄趙
昇朝野類要云朝報日生事宜也每日門下後省編
定請給事判報方行下都進奏院報行天下其有所
謂內探省探衙探之類皆衷私小報率有漏洩之禁
故隱而號之曰新聞蓋自宋時已然王士禛池北偶
談

六科綸音冊子號晚帖以當晚印知之亦
有小報謂之抄

古今避諱有沿襲不改者如秦始皇諱政改以正月
為征月晉避司馬昭諱樂府以昭君為明君唐祖諱
虎改虎林為武林呂后諱雉以雉為野雞武后諱嬰
以詔書為制書鮑照為鮑昭楊行密據揚州州人改
蜜為蜂糖錢元瓘據浙浙人改一貫為一千之類皆
當改正


王士禎池北偶談





筆記云錢勰字穆范祖禹字淳本皆一字予按古如
爰絲房喬顏籀劉文之類皆一字也今文士有寶
應陶澂字季萊陽董樵字樵二人皆以布衣遊于都
門初不相識予為介之由二君非但詩筆相當即一
字亦絕對也二君遂賦詩定交按龍川別志有隋
時道士屈突無為字無不為晁景迂一字伯以父見
陸務觀文集劉敞劉攽兄弟字伯貢父仲原父見歐
公所作原父墓誌前涼張天錫字公純叔見十六國

春秋此又三字也陶一字昭萬有太原傅山字青
 主一字公之化王士禛池北偶談



金薤琳琅所載漢碑碑陰故吏門生姓名有絕異者

如韓敕碑有庶次充宙番舉加進元輝魯人恐即弓

如骨通國孔宙碑有叔香如廬海浮劇北薤章魯峻碑敢

敦東鄉晨。河間景君碑羽質臨照水郎。營中


名關字吳詩立遷又漢碑陰有弟子洪丞相諫釋門

生次相門童未故吏椽故民占籍處士非吏義士義民

非所又有故修行趙明誠謂後漢百官志注河南尹

志亦有之修乃循之訛都穆故午似是皂王士禛

謂當信碑本以正漢書之誤



予在儀曹時見有宛平人碧某者吏誤呼作碧其人
 不應問之云碧音如樊此萬姓統譜奇姓通諸書所
 不載者又任給事琪云高密有高姓音悶又禡姓音
 卓諸城有則姓音支又壽光有鰲姓河南有驢姓吾
 邑有俳姓壬子典試四川有副榜廣謀音拓明有指
 揮八通副將九聚近見山西鄉試榜有峯姓因姓王
 士禛池北偶談

明時南京五大寺僧每季考校於禮部命題即法華楞嚴等經其文則仿舉子制義文義優者選充僧錄等官某寺僧耳疑者曾刻其制義黃俞邨云曾見之

王士禛
北
偶
設

